

上丹章亦表連獄一通臣事庸微不敢抑絕
頓首死罪上請天官乞垂省察上詣
三天曹伏須告報臣其誠惶誠恐稽首再拜

以聞

臣姓

太清玄元無上三天無極大道太上老君太
上丈人天帝君九老仙都君九炁丈人百千
萬重道炁千二百官君太清玉陛下

太歲

正一出官章儀

太上三五正一盟威閱錄醮儀

廣成先生杜老皮剛定

凡閱錄帝以甲子庚申本命三會三元晦
朔等日卯酉二時

次發爐

太上玄元五靈老君當召功曹使者左右龍
虎君捧香使者三炁正神急上開啓三天太
上玄元正一道君臣今正爾入靖燒香以今
某月某日吉辰於某州縣鄉里謹依先師之
法簡閱身中所佩正一盟威上仙上靈二十
四階寶籙中將軍吏兵以自防護願得八方
正真生炁降入臣等身中令臣自啓達達徑
御
太上至真無極大道玉皇上帝御前
係天師某治炁赤天三五步綱元命真人臣
某稽首再拜上啓
太清玄元無上三天無極大道太上老君太
上丈人天帝君天帝丈人九老仙都君九炁
丈人百千萬重道炁千二百官君太清玉陛
下小臣愚短千載幸會得蒙清化乃蒙覆蓋

賜受吏兵以自保護常依科法每以吉日簡
閱臣所佩正一上仙上靈將軍等錄錄上功
曹使者將軍吏兵各有主職保護臣某身形
安神養性長調官府三尸墮落眾災消滅內
除疾病外却養形臣當以時言功舉遷不敢
違負謹啓

次鳴法鼓二十四通

東向平坐閉目存左青龍右白虎前朱雀
後玄武麒麟鳳凰翔踞四隅日月五星二
十八宿北斗七星臨照形神

次出官

謹出臣某身中上仙上靈百五十將軍直使
功曹正一功曹治病功曹各十五人出主為
臣某執使者主將送東西南北正定諸炁消
除疾病上仙上靈左右官使者主將送東西
南北辟斥三炁九炁五刑六害之考都主吏
兵主左右無令前却錯互上仙上靈陰陽神
決吏各十五人出為臣和合陰陽決定生籍
安神養性使合真仙上仙上靈陰陽治病功
曹治病太醫吏各十五人出主為臣某調理

陰陽察條五藏神仙妙藥却病銷災上仙上
靈二官百五十將軍主領官將吏兵卒平圍
繞臣某身周甲三重無今空缺上仙上靈郎
吏虎賁察察鉤騎三官僕射吏各千二百人
出主為臣某屯守所居宅舍房院營衛左右
隨逐東西南北常去臣百步兵刀外向討捕
凶逆執捉姦邪並令絕滅不得縱逸皆共保
護臣某等身上仙上靈天驕甲卒各千二百
人出天丁力士各百二十人出主為臣某隨
逐東西南北所有呼召應口而集上仙上靈
收炁食炁吏收神食神吏收鬼食鬼吏收邪
食邪吏收毒食毒吏各六十人出主為臣某
收食天下毒疫鬼炁妖精邪神傷寒瘡痢毒
注濕邪蟲獸強拜一切皆收而食之悉令蕩
散上仙上靈科車赤符吏剛風騎置驛馬上
章吏各十人出主為臣某收捕兇邪鬼賊不
正之氣呈章奏表連令上達

次出奏法錄吏兵

謹出太上正一一將軍錄錄中功曹將軍使
者吏兵王女等為臣助國行化肅滅凶惡至

道長興謹出太上正一十將軍錄錄中將軍
符吏功曹等為臣斬惡賞善萬願隨心謹出
太上正一百五十將軍錄錄中靈官功曹將
軍騎吏使者甲卒等為臣辟斥四方不正人
鬼禍害永消謹出太上正一三將軍錄錄中
將軍功曹童子玉女等為臣備生養炁延長
壽祿所向隨心謹出太上正一名百鬼錄錄
中功曹護身將軍玉童玉女等為臣收斬天
下身中魘魅無害於人謹出太上正一元命
亦錄錄中三天解穢玉童玉女五方龍王吏
兵等為臣消滅血食浮遊侵人之鬼一切蕩
除謹出太上正一上仙名鬼錄錄中諸部真
人真神功曹六甲神將六丁玉女等為臣殺
滅身上三災九厄一切無他謹出太上正一
九州社令錄錄中諸部大將軍功曹玉童玉
女直符使者等為臣行綱布炁制伏羣精謹
出太上正一星綱五斗錄錄中太玄禁師胡
玄禁師西玄禁師壺公禁師將軍吏兵等為
臣禁截不道害人凶逆邪祟謹出太上正一
河圖保命錄錄中真人功曹將軍玉童玉女

等為臣保守身命應臣所請悉令效驗謹出
太上正一六害錄錄中太一君皇天上帝君
太上元君六害神消刑滅害功曹將軍等為
臣驅逐殃殃千精萬鬼並令攝伏謹出太上
正一九鳳破穢錄錄中天靈赤官斬邪功曹
誅攝斬伐擊截翳滅禽奇將軍使者玉童玉
女等為臣滌蕩不係籍之邪神當令神應謹
出太上正一都章畢印錄錄中天靈官功曹
將軍仙人道士玉女使者等為臣斬滅千邪
萬妖不侵生人謹出太上正一華蓋大錄錄
中諸部功曹將軍玉童玉女使者為臣誅斬
惡逆消滅穢偽謹出太上正一九天兵符錄
錄中功曹將軍吏兵甲卒等為臣守固所居
呼召立到謹出太上正一九宮捍危錄錄中
功曹仙靈官將軍使者天驕甲卒等為臣助
國救民應於心口謹出太上正一八卦護身
錄錄中五方名鬼將軍五帝將軍左右僕射
吏兵等為臣尺置一兵里置一營按劍持戟
斬絕精靈謹出太上正一三五考召錄錄中
三元將軍五斗功曹五星功曹諸童子使者

等爲臣招星落斗纏絡身形邪神惡人並令攝伏謹出太上正一龍虎斬邪錄錄中功曹將軍使者王童王女等爲臣抵扞精邪存念密應謹出太上正一辟邪神錄錄中玄老將軍五鎮將軍五蓋將軍太上將軍功曹使者等爲臣鎮壓天神地祇魘魘精魅永不害人謹出太上正一四部禁惡錄錄中赤官諸部功曹將軍吏兵王童王女等爲臣跳星躡斗步紀存神應於本心勿生疾病謹出太上正一大斬邪邪錄錄中五鎮將軍胡越氏羌僮等老君虎賁施天發地搖地動地將軍五色華蓋兵馬無上玄老將軍吏兵使者王童王女等爲臣飛瓦輪刀搜索精邪營衛居止皆令安隱謹出太上正一三五功曹錄錄中蔽身隱影藏已兵馬等爲臣內守三宮外治三界天神地祇壞道邪魔悉乞蕩除存恩露應謹出太上正一保命長生錄錄中魁綱左右諸部功曹將軍吏兵使者等爲臣內治五藏不使邪惡往入心肝脾腎肺三尸殄滅百關調暢白目冲天仰荷玄澤

次出諸部將軍兵馬

謹出太上正一諸部玄老五侯大將軍五十萬人出無上玄老留大將軍周天大將軍蓋天大將軍建天大將軍中越天大將軍中武大將軍中御大將軍中亭大將軍各十萬人出太上五蓋大將軍天營大將軍九種大將軍冲天大將軍九關大將軍北闕大將軍九珠大將軍九道大將軍正天大將軍平天大將軍越門大將軍中央高皇領大將軍東方青領大將軍南方赤領大將軍西方白領大將軍北方黑領大將軍中央黃領大將軍各十萬人出各領所部並依本位營衛臣前後左右除凶滅惡無上五種兵馬五十萬人出中官五營校尉兵十萬人出城門校尉兵士四十萬人出中央大兵四十萬人出九正丈人中央大兵百萬人出太上城門兵天丁兵前帝東營大兵督天大兵發地大兵北方五泰兵各四十萬人出太上青蓋赤蓋白蓋黑蓋黃蓋大兵各四十萬人出左右將軍兵各十二人出左右橫行兵六十人出東方胡老君

反甲逆鱗兵九十萬人出南方越老君火營騎吏大燭兵八十萬人出西方民老君鍊杖金精兵六十萬人出北方老君鳥九鳥鶴兵五十萬人出中央僉老君二十五萬官君兵五十萬人出東方青始甲乙君南方赤始丙丁君西方白始庚辛君北方黑始壬癸君中央黃始戊己君天柱司命君等車騎兵各千二百人出高天萬丈大鬼百鬼中王各萬二千人吏兵六十萬人出高功司馬中騎大將軍郎吏虎賁察森鉤騎三官僕射各千二百人出天驕甲卒天丁力士收炁炁炁收神食神吏收鬼食鬼吏收邪食邪吏收精食精吏收毒食毒吏收符破廟吏各萬二千人出主爲臣某並在案前所部備執天威嚴加器仗誅討凶逆剪滅精邪防護臣身呼召相應謹出臣所佩上三天三五功曹中部元命混沌真人赤錄直使功曹正一功曹各十五人出主爲臣執使東西南北布定正炁救療諸病益壽延年左右官使者各十五人出爲臣某通達幽冥共相整理無令前却陰陽神

明上靈官中官剛風騎驛馬上章吏三五除死籍定生吏各十萬人出主爲臣某呈章奏表速令上御消除死籍往玉曆生名上仙都太上神明上靈官中官中黃九道定志意吏定膽吏定慧吏力士各十二萬人出主爲臣某心神開悟通達玄微上仙都太上神明上靈官中官六陰六陽成身吏各十二萬人出主爲臣某調理陰陽延年保命成身合道通神接真上仙都太上神明上靈官中官八神金剛力士八級金剛力士高車直事使者赤車直符使者科車檢捕使者交擊力士各七千二百人出主爲臣某討讐凶逆斬伐精邪滅禍攘災驅除鬼賊天靈赤官直使功曹攝神都護攝獄吏攝邪使者攝神直符斬刺姦邪吏各二人出仙人道士玉女各百二十人出護身七神不得離身將吏十四人治病功曹護身將軍各二人出兵曹吏各九人出扁鵲史天醫吏各二人出並按威儀誅邪穢偽却死來生救助臣某等身保今呼吸相應臣某草苗小子千載幸會伏蒙師尊弘慈賜

授法錄以自防保過泰之恩實謂罔極臣所受上仙上靈等二十四錄所部將軍功曹使者真官玉童玉女吏兵士卒並乞依按所部當局行事銜命傳真宣揚道要勸進良善若有下官故惡惡逆凶邪縣官口舌惡人謀議欲見中傷臣某左右官使者徑上天曹言白不得容隱從歲竟歲從月竟月從日竟日從時竟時周而復始奉行如法營衛臣某身命免危度難長生久視心神安定所向合真出入行遊諸所造詣金石爲開水火爲濟皇天所覆皇地所載日月所照山川所通百邪摧伏萬神敬諾使其百關流通五藏生津真炁降身鍊形易質功成德備白日昇天當以時言功不負效信臣晚學淺劣加以愚暗所簡閱將軍吏兵士卒恐不合儀式不相次比千愆萬過乞垂赦宥哀濟未悟不見罪罰某誠惶誠恐稽首再拜

次三炁氣起長跪祝曰

臣聞錄事訖向來所出上仙靈官功曹使者將軍吏兵悉還臣身中從衆妙門而入依按

次位在左還左在右還右安隱金堂玉室直使功曹檢押無令錯互營衛周而纏繞表裏彌綸天地無有違越

次復鑑呪

次吟受送頌曰

此法甚玄妙 免汝九祖役 是其人不授 今人與道隔 非人而輒授 見世被考責 死墮三途獄 萬劫悔無益

次出戶呪後云

閱錄已後唯願臣等三師得道九祖生天見存獲福善善和顏父慈子孝學道成仙

太上三五正一盟威閱錄醮儀